

四明禁取書

第七集

四明張氏約園開雕

第十集

四明叢書第七集序 集古語

史通採撰篇曰郡國之記譜牒之書務欲矜其州里誇

其士族如江東五僑始自會稽典錄 劉知幾史通 吳志虞翻

傳注引山陰朱育對太守濮陽興述初平末年王府君

問士於虞仲翔仲翔具答其言會稽人士最詳江東五

僑逸篇中未見徵引 慈谿藝文志注 周樹人曰會稽典錄二十

篇宋史藝文志已不載而宋人撰述時見稱引又非出

於轉錄疑民間尙有其書後遂湮昧今搜緝逸文得七

十二人略依時代次第析爲二卷有慮非本書者別爲

四明叢書第七集序

四明叢書
約園刊本

存疑一卷 會稽典錄輯本周樹人識

魏杞山房集三十卷 鄧葵文志 袁燮曰丞相壽春魏公以詩

名聞天下清雄贍逸而歸於義理之正其發有源故流

不竭蓋公嘗使北矣冒不測之險戈戟滿前不少撓屈

卒定敵國之體其薨且葬也故相陳新公作詩輓之有

讜論見排姦之句則知當時邪佞小人見沮於公者不

少矣 袁燮題丞相詩稿 遺文有家集三十卷勤齋詩三卷訓子

姪孫經術義理自三都二京以下擇其尤者類爲童諷

三十卷 朱子撰魏丞相行狀 三蘇言行編 浙江通志本傳 元豐中裕陵命

蘇魏公纂修南北通和以來國信文字賜名魯衛信錄

中更喪亂書遂不全

樓鑰書魏丞相奉使事實○壽鏞案魏文節公詩集文集皆軼今由

裔孫魏頌唐輯詩文一卷曰魏文節遺書更錄制誥行狀碑傳遺事爲一卷附之

絜齋家塾書鈔十二卷宋袁燮撰

清四庫著錄

其書宋史藝

文志作十卷陳振孫書錄解題稱爲燮子喬錄其家庭

所聞至君爽而止則當時本未竟之書且非手著紹定

四年其子甫刻置象山書院

四庫總目

甫跋云自古大聖同

此一心箕子論皇極無偏黨自蕩蕩無黨偏自平平無

反側自正直太甲顛覆典型痛自怨艾克終允德成王

四明叢書第七集序

一一四明叢書

遭家多難執書感泣天雨反風又言象山先生讀康誥

有所感悟反己切責若無所容讀呂刑歎曰從肺腑中

流出嗚呼至哉

袁甫跋家塾書鈔○壽鏞案今刻依文瀾閣鈔本仍闕君爽以下

洪範統一一卷宋趙善湘撰

清四庫著錄

書成於開禧時宋

史謂之洪範統論文淵閣書目又作統紀今據善湘謂

漢儒解傳祇以五事庶徵爲五行之驗而五行八政謂

疇而不知所統徵引事應語多傳會因采歐陽修唐志

蘇洵洪範圖論遺意定皇極爲九疇之統每疇之中如

五行則水火木金皆統於土五事則貌言視聽皆統於

思得其統而九疇一以貫之矣

四庫總目

自序曰竊謂漢儒

離合之說非洪範之本旨遂撰洪範統一庶幾成歐陽

眉山之志

洪範統一自序

陳允平西麓詩稿一卷繼周集一卷日湖漁唱一卷

藝

文允平舉上舍不遇淳祐三年爲餘姚令罷去放浪山

水德祐時授沿海制置參議官祥興元年爲書約都統

蘇劉義以九月乘颿下慶元當出兵迎自高衡孫以下

三十餘人皆聯署時張洪範督師南征命招討使王世

強圍捕同官袁洪解之得釋自此杜門不出扁樓曰萬

四明叢書第七集序

二四明叢書約園刊本

疊雲允平善詩詞與吳文英翁允龍齊名

鄞志本傳

寶峯集二卷宋趙偕撰

清四庫著錄

偕自以宋宗室入元不

仕隱居大寶山麓其學以楊簡爲宗

四庫存目

有寶雲集以

兵火不完嘉靖閒其後人集爲二卷

宋元學案

今所鈔傳者

卽其本也

四庫存目

自信三代之治可復而百家之說可一

也邑令陳文昭詣門請業偕以治民事宜告之文昭以

是得民心日舉遺經之言以裁狂簡

慈谿縣志本傳

桂彥良烏

本良向樸爲慈湖四傳之世嫡皆在寶峯之門

本傳注

袁忠徹符臺外集五卷

明志浙志鄞縣志

陳敬宗曰大篇之春

容短章之精潔蔚乎其文

陳敬宗符臺集序

全祖望曰世以爲

術士耳不知其因成祖養聖之問而詳及前代學宮書

院之制更論武臣居喪之當解職謂皇太孫獲鹿先獻

皆讜論也而力爭靈濟宮符藥之妖妄尤大臣風節全祖

望符臺外集跋○詩鑪

案今刻二卷非完書也

楊守陳楊文懿全集二十五卷

鄞縣藝文志

抱經樓書目晉

庵稿一卷桂坊稿四卷東觀稿八卷金坡稿七卷銓部

稿一卷案明志黃氏書目作三十卷蓋連講學敷奏二

集數之又案抱經樓書目與百川書志所列子目互異

四明叢書第七集序

四四明叢書

約閱刊本

鄞縣藝文志注

公疾革命其弟守陟等曰吾文宜精選凡有關

於道德倫理者稍工則取之若止爲一人議論者非極

工不取其溢美過情者雖工亦去之嗚呼公之治命若

此俾覽公之文者有以知公之志

楊守陟文懿集序○壽鑪案今刻爲二十

卷本

楊守陟碧川文鈔二十九卷

鄞縣志

碧川文選四卷

四庫存目

案四明文獻集作碧川文集

鄞縣藝文志注

明分省人物考云

碧川文鈔二十九卷雜文儲稿又若干卷此本爲外孫

陸鈞所刻前有陳琳序曰楊公自摘手稿凡一百五十

三篇藏於家陸君釐爲四卷則此爲守陟手定之本矣

四庫守陟敦大本厲行檢子弟皆率是道於書無所不

讀然必以六經四書爲宗文師昌黎學師伊川困學勉

行老而不倦鄞志本傳○壽鏞案碧川文鈔二十九卷曾見之將借以錄副今刻爲李選八卷本

張邦奇張文定集五十卷續文獻通考黃氏書目鄞藝文志寧波嘉靖

志觀光樓集十卷紆玉樓集十卷環碧堂集十六卷養

心亭集八卷靡悔軒集十二卷四友亭集二十卷鄞藝文志

注邦奇之學以程朱爲宗躬修力踐跬步必謹畫之所

爲夕必書於册所著傳說及文集粹然出於正鄞志本傳○壽

四明叢書第七卷片

五十四卷

鏞案今刻養心亭集八卷諸集皆錄副藏於家

灼艾集八卷明萬表撰清四庫存目抱經樓書目灼艾集二

卷續集二卷餘集二卷別集二卷黃氏書目誤十卷鄞藝文志注○壽鏞案黃氏書目不誤今刻爲八卷本續得新集二卷待刻採輯唐宋以來說

部每書祇載一二條或四五條四庫存目

玩鹿亭集八卷明萬表撰清四庫存目是集凡詩二卷文六

卷卷末附錄贈答詩啓及行狀墓志萬氏世以勳績顯

表獨才兼文武每與唐順之等講學禦倭亦有功績號

爲儒將四庫存目

萬泰續騷堂集

卷一

見李鄴嗣
果堂文鈔

案續耆舊詩寒松齋集

一名續騷堂集

○壽鏞案寒松齋集三卷未見惟全謝
山選續甬上耆舊詩於萬戶部詩附有

寒松齋集摘句所謂雜詩者即續騷堂集秋夜雜詩也
是寒松齋集固有續騷堂集之詩矣意者三卷之中其

一卷爲丙戌
迄庚寅作乎

黃梨洲序履安詩及黃氏書目俱兩列之

鄴藝文
志注

李鄴嗣曰萬先生義聲震天下試讀晦木援阱

之章旦中感述之什及余七歌秋懷所紀事未有不流

涕闌干搯腕而起歎先生爲無慚名士者也

李鄴嗣續
騷堂集序

萬泰曰是集始於丙戌終於庚寅刪艾之餘存詩三百

十首手錄一過存之笥中不敢示人

續騷堂
集自序

四明叢書第七集序

六四明叢書
初編刊本

萬斯同補歷代史表十四卷

清四庫著錄歷代史表五
十三卷廣雅書局刻本五

十九卷今
補十四卷

近人作十六國年表均不及斯同此書之該

備惟晉書既補功臣世表則歷代皆所當補

四庫
總目

今得

遺稟有前漢將相大臣年表唐功臣世表唐將相大臣

年表唐邊鎮年表邊鎮十道節度使年表諸藩君長世

表宦官封爵表附武氏諸王表吳越將相大臣年表將

相州鎮年表宋大臣年表遼諸帝統系圖遼大臣年表

金諸帝統系圖金將相大臣年表衍慶宮功臣

遺稿
目 端

緒釐然有助史學

鄴志本傳○壽鏞案此十四卷宜合
廣雅五十九卷本讀之乃爲完書

朱緒曾昌國典詠十卷

定海廳志寓賢朱緒曾本傳

緒曾字述之江

蘇上元人道光二十六年定海既收復檄襄辦善後事

道出鄞鎮因搜集昌國州志舟山志及乾道四明圖經

寶慶延祐至正諸志鉤稽考證博綜古今引一書必合

諸書以詳始末持一說必兼眾說以決異同事蹟既明

又系以詩成昌國典詠十卷

定海志寓賢朱緒曾本傳

姚燮夏小正求是四卷

鎮海藝文志

燮字梅伯號復莊遊歷

既多而著述之富且工爲邑中罕有晚遭寇難匿居山

谷日整理文彙鈔錄不倦

鎮海志本傳

夏小正求是四卷自

四明叢書

第七集序

七

四明叢書

約園刊本

題辛酉九月復翁手錄彙首列引據各本書目曰本書

以外援引各家經說不具列目其評孔氏大戴禮補注

曰與軒篤信傳文不容一語之出入故所著有未盡善

處云

均見夏小正求是稿

張恕漢書讀十二卷漢書辨字二卷漢書常談二卷

鄞志

續增人物

張恕本傳恕號鐵峯著有書經詩經周禮管見漢書讀

四明水利考四明談助正譌長春花館詩集南蘭書屋

文集南蘭筆記尤究心水利鎮海縣民將由劔河漕疏

鑿山麓以通鄞東水道恕謂此河一開則東錢湖立涸

鄧東沃土皆瘠壤矣請官禁止其事並詳志中鄧志張恕本傳
○壽鏞案此稿得之於滬上

張翊偽見山樓詩集三卷慈谿志張翊偽本傳翊偽號麟洲本陳

康祺曰張君麟洲詩格沈雄學明七子非徒貌似使酒

嫉俗傲骨直腸不肯徇人亦不虞人之欺己陳康祺貽令堂家告

少遊閩嶠壯歷幽燕楚漢名勝之區有二南三騷之遺

風皆足以因情生感而見之於詩氣充詞沛而尤謹於

格律蓋得江山之助者居多王定祥見山樓詩集序

徐時榕季仙先生遺稿一卷補遺一卷稿本鄧藝文志未著錄時

四明叢書第七集序
八四册叢書
約園刊本

榕字石門號季仙善書法能承父兄志未嘗以世俗浮

靡之習相誇陳勳贈六時序時榕曰鈞是志也有道德勳名

之別焉如卿相之位君子樂之得之不得曰有命以其

求在外者也若夫仁義忠信樂善不倦入孝出弟守先

待後雖窮居不損焉君子惟先立乎其大者則其小者

自不能奪也然徒有虛願而無實踐雖曰有志與無志

等遺稿補遺原志篇

先給諫寸草廬奏稿二卷小謨觴館文集注四卷稿本陸

鍾琦曰先生起家清貧事母至孝自入詞垣閉門深居

不以千人日肆力於學居臺諫十年章數十上知有國家知有人民而不恤其他斯其忠愛秉於天性又豈沽名釣譽者所能望哉

陸鍾琦寸草廬奏稿序

劉若曾曰小謨觴館

文集註題綴書楣殆徧蓋詳於經史源委而略於山川風景云竊思先生篤守紫陽者也紫陽註羣籍說者謂重義理固也然何嘗不重考據詞章於昌黎文則爲之考異紹興閒趙汝愚永州安置則爲之註離騷以寄思先生孝著於家忠顯於朝考據詞章固餘事焉顧於湘涵之文則爲之詳註蓋亦紫陽意也

劉若曾小謨觴館文集註序

四明叢書第七集序

九四明叢書約園刊本

陳漢章孔賈經疏異同評一卷

稿本

陳漢章曰自漢許君

撰五經異義後晉孫毓有毛詩異同評陳劬有周官異同評唐初惠南北朝說經多異定爲正義孔沖遠主其事方欲合經說而大同焉周禮儀禮二疏出自賈公彥而更於孔氏五經疏外多所異同漢章再四尋繹二家經疏仿孫陳書列其異同而僭爲評其無關宏旨者弗

著於篇

陳漢章自識

忻江明鶴巢文存四卷詩存一卷

稿本

忻江明曰江明生

十七歲而孤過庭之訓兒時所記一二不敢忘府君嘗

曰讀書當以靜養爲第一工夫

文存先文學府君家傳

自府君歿

後十數年幸免於戾旋遭國變棄職杜門

文存先府君墓柱文外

舅董孟如先生編輯郡人詩起清初訖光緒中葉凡一

千六百餘家中更喪亂此殘本者僅而得存清祚旣訖

例當斷代於是延耆宿置寫官得稿近千家闕佚者補

之譌脫者訂正之因連綴付印

文存四明清詩略緣起

余校訂詩

略完師舊業比年飢餓出門客授海上

文存贈夏伯璉七十壽言橫

流倒地舉足波靡其敝先中於學術而禍遂及於人心

風俗可勝慨哉

文存贈方式如七十壽言

又曰請誦檜風之末篇曰

四明叢書第七集序

十四朝叢書

約園刊本

匪風發兮匪車偈矣顧瞻周道中心怛兮得毋曰鶴巢

子才盡矣不哀適然之遇而悲固然之境徒爲此陳言

以塞責也

文存玉几詩人匪篇悲思記

江明光緒二十八年舉人三

十年恩科進士安徽桐城縣知縣

文存先母陳太恭人行狀

夫天下一治一亂相循環若歷數所遭爲千載所未有

獨留未死一身圖挽末暉於下春之後鬼神潛通於里

中諸君人風宛在而更得盡觀其著書淵源深厚行其

所未傳者是則余之幸也夫

集臬堂文鈔諸語

時民國二十九

年九月張壽鏞序

四明叢書總目

第七集

會稽典錄二卷

晉虞預撰 書館藏稿本

周樹人輯

浙江圖

魏文節遺書一卷附錄一卷

宋魏杞撰 稿本

魏頌唐

絮齋家塾書鈔十二卷附錄一卷

宋袁燮撰 依文瀾閣鈔本

洪範統一卷

宋趙善湘撰

藝海珠塵本

西麓詩稿一卷西麓繼周集一卷日湖漁唱一卷

宋陳允平撰

南宋羣賢小集本

繼周集日湖漁唱彊邨叢書本

趙寶峯集二卷

元趙偕撰 張冷僧手鈔本校林集虛藜照堂藏本

四明叢書總目

四明叢書

符臺外集二卷

明袁忠徹撰

張伯岸藏舊鈔本

楊文懿集三十卷

明楊守陳撰 刻本

伏跗室藏嘉靖

碧川文選八卷

明楊守趾撰 本校殘鈔本

伏跗室藏萬曆刻

養心亭集八卷

明張邦奇撰 嘉靖刻本校天一閣藏殘本

林集虛藜照堂藏

灼艾集二卷續集二卷餘集二卷別集二卷

明萬表撰

嘉靖乙酉刻本

玩鹿亭稿八卷

明萬表撰

景鈔萬曆刻本

續騷堂集一卷

明萬泰撰 刻本

光緒甲申趙翰香居

補歷代史表十四卷

清萬斯同撰 本

伏跗室藏稿

昌國典詠十卷

清朱緒曾撰

伏跗室藏稿本

夏小正求是四卷

清姚燮撰 稿本

漢書讀十二卷漢書辨字二卷漢書常談二卷

清張

恕撰 長春花館稿本

見山樓詩集四卷

清張翊儁撰

伏跗室藏稿本

季仙先生遺稿一卷補遺一卷

清徐時榕撰 嶼樓藏稿本

煙

寸草廬奏稿二卷

清張嘉祿撰

寸草廬稿本

小謨觴館文集註四卷

清鎮洋彭兆蓀撰 張嘉祿註 寸草廬稿本

張嘉

孔賈經疏異同評一卷

清陳漢章撰

活字本

四明叢書

一四明叢書

鶴巢文存四卷詩存一卷

清忻江明撰

稿本

二十七種都一百五十卷